



Selasa, 22 Agustus 2023

Ogen: Nahum 1:15



PERSURUHEN REH ARAH DELENG NARI



Martin Luther King Junior, ngataken nina *Dari setiap lereng gunung biarkan kebebasan berdering*. Desken sora si reh i deleng nari enda ibegi i ja pa nari pe. Ermomo e me erberita janah la lit kalak si la metehsa, kerina kalak megikenca alu bage lanai terbuniken berita si reh e. bage me kebebasan si reh man kerina manusia, kalak si meg i berita e ngenca banci ngalokenca.

Bage me kitab Nahum nuriken kerina berita si ibaba sekalak persuruhen. Persuruhen e rehna i deleng-deleng nari maba berita si mehuli, bali ras lagu Rohani ` *Hai siarkan di gunung, di bukit dan di mana jua. Hai siarkan di gunung, lahirnya Almasih*`. Kerina berita si mehuli arus iberitaken ku ja pa pe, i ja banci ibegi kalak si enterem arus isehken. Enda me dahin ras tanggungjawab persuruhen. I bas renungenta enda, persuruhen e meritaken berita kemenangen. Kalak si ngaloken berita kemenangen enda arus ersurak, ermeriah, erpesta. Enda me kata man kalak Juda, bangsa e iajuk erpesta alu nehken padanna man Dibata. Sabap lanai lit kalak jahat si nerang, ncedai negerina e. Kerina enda jadi erkiteken keleng ate Dibata man bana kerina. Berita na saja pe seh enggo kal meriah ukur, enda me si itima-timai kalak si enterem, berita keriahen, berita pembebasen, berita si mehuli man kalak si lit i bas kebiaren, tabanen ras erbage si jahat.

Kata enda pe ngajuk kita bagi persuruhen enda ndai, siberitakenlah berita si mehuli, sisehkenlah berita keriahen ukur. Arah kai pe si banci sibahan, perukuren, kata ras perbahanenta. Kemerdekan, kebebasan ras keriahen ukurta me simpengasup kita guna jadi persuruhen si patuh. Kita idilo ras ipilih Dibata guna nehken berita e. S iiberitaken berita si meriah ku kalak latihan, sin dele ntah pe lolah.